


1621_004.jpg



1621_005.jpg


Histoire de nostre temps.

public de sa Majesté Imperiale, laquelle au-
roit commandé derechef à luy Duc de Baui-
eres d'employer toutes ses forces pour em-
pescher les rauages & hostilitez des gens de
guerre Mansfeldiens, tellement que pour son
denoir, & pour empescher que les pays de
ses Confederez n'en receussent d'auantage
d'incommoditez, il s'estoit resolu au nom de
la Sainte Trinité d'exercuter la Commission
de sadite M. Imperiale; & esperoit, que com-
me Dieu tout puissant auoit esté iusques icy le
protecteur & defenseur des iustes armes de
l'Empereur, qu'il continueroit sur icelles ses
mesmes benedictions & faueurs, pour repri-
mer tant d'attentats & d'hostilitez qui se cō-
mettoient au subject du trouble de Boheme,
& pour donner la paix à ce desolé Royaume,
& le remettre en son pristin estat.

Que voyant que Mansfeld s'estoit fortifié
en certaines places frontieres de Boheme, luy
Duc estoit contrainct de premierement con-
duire son armee par le haut Palatinat, ce qui
ne se pourroit faire sans y apporter beaucoup
de dommage, où d'ordinaire l'innocent patis-
soit avec le coupable; occasion pourquoy il
auroit voulu aduertir tous les Estats & habi-
tans du haut Palatinat de la Commission que
sa Majesté Imperiale luy auoit donnee pour
deliurer le Royaume de Boheme des violences
de Mansfeld & de ses gens de guerre, & leur
enjoindre de ne prester audit Mansfeld, ses
complices & ennemis de sadite Majesté Imp.
aucun ayde, secours, assistance & faueur: mais

A iij

1621_006.jpg



1621_007.jpg

Histoire de nostre temps.

7

dans les perils & malheurs de la guerre : & qu'un chacun d'eux eust aussi à le rendre incertain du deuoir qu'ils desiroient appartenir pour l'exécution de ladite Commission de sa Majesté Imperiale, afin qu'il leur peust donner conseil & toute assurance, selon le besoin & la nécessité qu'ils en pourroient auoir.


Ainsi le Duc de Bavières enuoya ses lettres monitoriales aux Estats du haut Palatinat, pour, suivant les formes anciennement pratiquées par ceux qui desiroient que l'on sceust la Iustice de leurs armes n'auoir autre but que de venger les injures faictes aux bons par les meschans, leur faire entendre qu'en la prise des siennes il n'y alloit de son particulier, & n'estoit que le Ministre & executeur des volontez de sa Majesté Imperiale.

Les Geographes qui ont faict la Carte du haut Palatinat, mettent qu'il a la Boheme à l'Orient, la Franconie à l'Occident, le Danube au Midy, qui le diuise de la Duché de Bavières, & le Mont de Pinifer ou Fichtelberg au Septentrion, qui le separe de la Voithlandie, duquel mont sortent quatre fleuves comme en croix, sçauoir, le Nab qui trauerse le haut Palatinat & va tóber dans le Danube, le Mein qui va passer par la Franconie & se iette dans le Rhin, & l'Egra & Sala lesquels par deux courses contraires s'en vont en fin perdre leurs noms dans l'Elbe.

Ils disent aussi que ce haut Palatinat est posé au milieu de l'Europe, qu'il est appelé le

A iiii

1621_008.jpg



Partage de
la Duché de
Bavières, &
des Palati-
nats, entre
les enfans
de Louys 3.
Duc de Ba-
uieres, &
Comte Pa-
latin du
Rhin.

Rodolphe
frere puis-
né de Louis
Empereur
& Duc de Ba-
uieres, eut
en partage
le Palatinat
du Rhin, &
le haut Pa-
latinat, du-
quel sont
descendus
les Esle-
cteurs Cō-
tes Palatins.


8 M. DC. XXI.

Palatinat de la haute Baviere, à la difference
du Palatinat du Rhin, qu'on nomme le bas
Palatinat: Que Louys troisieme Prince de la
Duché & haut Palatinat de Bavières, & Com-
te Palatin du Rhin, partagea ses Principautez
entre ses deux enfans, Louys & Rodolphe: A
Louys son aîné, qui fut esleu Empereur l'an
1314. il luy donna la Duché de Bavières, du-
quel sont descendus les Ducs de Bavières ius-
ques au Duc Maximilian à present Duc de
Bavières: Et donna à Rodolphe son cadet le
Comté Palatinat du Rhin, & le haut Palati-
nat de Bavières delà le Danube, excepté les
villes Imperiales, & les Estats qui apparte-
noient & tenoient de l'Empire: C'est de ce
Rudolphe branche seconde de Bavières d'où
sont yssus les Eslecteurs Palatins du Rhin, ius-
ques à Frideric à present aussi Comte Palatin,
Eslecteur, & esleu Roy de Boheme.


Que depuis Molsbac derniere ville du Pa-
latinat du Rhin, ou bas Palatinat, qui est à vne
petite iournée de Heildelberg iusques à No-
remberg premiere ville Imperiale du haut Pa-
latinat, on traaverse trois iournées & demie
du pays de Franconie, qui sont environ 24.
lieuës d'Allemagne de distance entre le bas &
le haut Palatinat. Pays de Franconie, où les
deux principaux Princes sont l'Euesque de
Virsburg qui se tiltre Duc de Franconie, &
l'Euesque de Bamberg.

Que le haut Palatinat depuis Nuremberg,
iusques à Valdhausen derniere ville du costé
de Boheme, contient 21. lieuës d'Allemagne,


1621_009.jpg




1621_010.jpg



1621_011.jpg



1621_012.jpg



1621_013.jpg




Image issue du site mercurefrancois.ehess.fr - Cliché (c) Cécile Soudan